

Vaccinacia karing Covid-19

E Pandemia naj gata. Vaccinacia si e maj effektivno metoda te na nasvajves zurales vaj te meres ando covid-19. Vaccinacia vi shaj zutij te tsinjarel o kotor manush av nasvajven po covid-19 ando them. Anda kodo si vazno so majbut djene te alon te len e vaccina.

Vaccini si zurales seurni medicini thaj le vaccini karing covid-19 zi zurales pherdal dikhle.

Tuke naj musaj te pochines anda vaccinacia karing covid-19. Te les jek lashi protecia karinf covid-19 trobuj tut duj dozi anda e vaccina. Tu les le dosi kusa 4-7 kurke mashkar jekh kavreste.

Kana shaj lav e vaccinacia?

Savore kaj arakhdzile ando 2005-bersh vaj maj sigo si dine shajipe kaj vaccinacia thaj shaj keren peske vrama vaj aven po drop in vaccinacia. Tu naj musaj te aves shvedisko citizento te shaj les e vaccina. Vi manush kaj temporarnie trajin ando them, kaj rhoden asylo vaj kaj si ando Shvedo bi permisiako shaj len e vaccina po jiva.

E rekomendacia site les e vaccina vi te sas tu covid-19

Thela tomna lena e shavora ande bersh 12-15-bershenge e chansa te len vaccina. E vaccinacia avla ande majbut falura kerdini ande regionake shkoli. Informacia sar e vaccinacia avla kerdini avla po 1177.se zipon kezdiij pe.

Ker tuke vrama

Tu shaj les vaccina pe savo sastimasko centralo kaj kames ando Västerbottens län.

E vrama pe angluni dosa keres tu korkorro. E vrama pe dujto dosa lesa katar medicinako personalo kana lesa e angluni dosa.

Tu keres tuke vrama kana zas andre po 1177.se kusa jek elektronikno-legetimacia vaj te kheres telefono ande savi kames sastimasko centralo. Te na naj tut shajipe te keres vrama pa internet vaj te keres telefono shaj zas ande jek sastimasko centralo te keres tuke jek vrama.

Tu nashtik keres telefono ande 1177 te keres tuke vrama.

Drop in

Tu shaj vi aves pe jek drop in-vaccinacia kaj si dine pe unji thana,

Te kames te les chiri dujto dosa po drop in pala ke lan chiri angluni dosa avri anda Västerbottens län site les tusa chiri vaccinaciaki karta vaj chiro journalo.

Ser mindik – ke te si tut jek vrama pe vaccina angla kado musaj korkorri te les thele e vrama te alosa te les vaccina po drop in.

Tu arakhes intregi vrami kaj shaj les pa internet thaj intregi vrami po drop in po vaccinationsbokning.regionvasterbotten.se (Patrin pe shvedisko chib)

Ker tuke vrama pa internet

Kana tu ghelan andre po 1177.se te keres tuke vrama si e informacia pe shvedisko chib. Te na zanes te ginaves shvediska, shaj manges varekon pashe tuke te zutin tut te keres vrama pa internet. Tu shaj vi keres telefono kaj o sastimasko centralo te kerel tuke jek vrama.

Kade keres te shaj keres tuke vrama po 1177.se:

1. Za pe patrin vaccinationsbokning.regionvasterbotten.se (patrin pe shvedisko chib). Kothe shaj dikhes sode si volni vrami ande intregi sastimaske centralura thaj vaccinaciake thana.
2. Ande sako sastimasko centralo thaj vaccinaciako than kaj si le volni vrami si skirime savi data si volni vrami thaj sode si anda lende. O kotor volni vrami si markovani zelesone colorosa.
3. Njumide po linko "Boka vaccination mot covid-19" ande kodo sastimasko centralo vaj vaccinaciako than kaj tu alos.
4. Za andre kusa jek elektronikno-legetimacia.
5. Skirin ande jek formulero kaj si unji pushimata. Le pushimata si pe shvedisko chib.
6. Alon "Covid-19-vaccination dos1"
7. Alon jek volno vrama tuke.

Ker tuke vrama pa telefono kaj o sastimasko centralo

Tu shaj keres tuke vrama pa telefono ande savo sastimasko centralo kaj kames. Naj musaj te avel kodo sastimasko centralo kaj tu mindig zas ande leste. O sastimasko centralo vi shaj zutij tut te keres jek vrama ande jek centralno vaccinaciako than. Tu nashtik keres telefono ando 1177 te keres tuke jek vrama.

Kana tu keres telefono shaj vorbis shvediska vaj englishiska. Mang varekas kaj zanes te zutin tut te keres vrama te na zanes te vorbis varesavi anda kadal chiba.

Te na naj tut jek shvedisko personnummer

Tu shaj les e vaccina vi te na naj tut jek shvedisko personnummer. Tu keres vrama kana djas ande jek sastimasko centralo vaj aves pe drop in- vaccinacia. Le tusa varesavi legitimacia sar jek LMA-karta vaj jek EU-karta. Te si tut jek samordningsnummer les tusa vi kodo. Kana aves pe chiri vizita lesa jek temporarno numero katar o medicinico personalo kaj trobuj te inkres zipon chi lan e dujto dosa



vaccina. Te si tut jek rezerv-numero kaj lan thela jek phurani vizita shaj hasnis atunchi kodo. O numero si ferik hasnime ando bolnjici (sjukvården) thaj nashtik avel hasnime vaj rhodino katar kaver departemento.

Te keres nevi vrama vaj te les thele vrama

Si zurales vazno te aves pe chiri vrama kaj so kerdan tuke anda kode ke vaccina si rezervovano tuke kaj kerdan vrama. Ferik te si tut symptomura kaj shaj sikhaven covid-19 atunchi nashtik te les e vaccina. Atunchi si les thele chiri vrama thaj te mukhes jek pruba Tu shaj vi les thele chiri vizita zi kaj e vrama kaj si te aves. Le sama ke le sastimaske centralura thaj le vaccinaciake thana si le limitovani chansi te den tut jek nevi vrama te dujto dosa. Anda kode shaj lel pherdo kurke zapon les jek nevi vrama.

Te trobuj te keres tuke jek nevi vrama pe dujto dosa shaj keres kado pa internet ande unji sastimaske centralura. Shaj dikhes chi shaj paruves e vrama korrikori kana zas andre po 1177.se. Kade shaj keres telefono ande sastimasko centralo te les jek nevi vrama.

Te san nasvalo/nasvali thaj trobuj tut jek nevi vrama thela maj tsera sar 24 chasura angla chiri vizita musaj te keres telefono ando sastimasko centralo

Te na aves pe jek vizita kaj si tut vrama vaj pharuves chiri vrama za puzno

Te na aves pe vizita kaj si chiri vrama musajij te pochines. Sa kade si te pharuvesa chiri vrama maj cera sar 24 chasura angla chiri vizita. E pochin si 250 koroni.

So te des tu gindo angla vaccinacia

- Le tusa chiri legitimacia thaj jek andre skirime sastimaski deklaracia . Tu arakhes jek linko kaj e sastimaski deklaracia pe chiri chib po 1177.se/other-languages Tu shaj vi les jek sastimaski deklerecia kaj shaj skiris kana aves pe chiri vizita te les vaccina.
- Tu kaj chi perdzilan inke 18-bersh thaj si tuke phares te achares vorbasa vaj skirimasa informacia vaj te keres pala instrukciji trobuj tu jekhe vårdnadshavares vaj responsibilno manushesko anav skirime pe jek lil kaj sikhavel ke zgodjij pe te si ke o responsibilno manush chi avel tusa pe vaccinacia (O lil si pe shvedisko chib).
- Le pe tute gada kaj kerel te avel letko te les o zastjiko ando vas. Sar exemplo strimfla skurtone bajensa.
- Na av po than kaj les vaccina te si tut symptomura po covid-19. Atunchi keres tuke jek nevi vrama.
- Av maj sigo 10 minuti angla chiri vrama te na aven za but manush pe jek than. Gindon te inkres distanso kaverendar kana zukaes pe chiri vrama.
- Kodo personalo kaj maladzola tusa vorbin shvediska thaj englishiska. Te lesa e vaccina ande jek sastimasko centralo si tut shajipe kaj jek tlumaco. Atunchi si te phenes kado le personaloske kana keres tuke vrama.
- Intrego medicinako personalo si le sekretesso. Kado znachij ke nashtij te phene varekaske pa chiri medicina thaj zutimata manusheske kaj chi kherel buchi ande medicina. Kado si vaj san shvedisko citizento vaj na.
- Le pe tute jek mujeski maska kana zas te les e vaccina. Te si varekon tusa si atunchi sa kade kodole manusheske. Le tusa ferik jek pashe manush kaj chiri vaccinacia te si tuke musaj.

Pala vaccinacia

Shaj dukhal chiro vas, dukhal chiro shero thaj shaj khinjios angluno djes pala vaccinacia. Shaj vi pahos tu, les goronchka, dukhal chire khokala thaj muskuli. Kadal butivar si maj kovle symptomura kaj hasajven pala pari djes. Ash khere kichi vrama sode si tut tymptomura. Te si ke le symptomura chi hasajven thela jek djes trobuja te mukhes pruba. Kado site djanas chi si tut covid-19, sar exemplo te nasvajlan angla chiri vaccinacia.

Inker le rekomendaciji te pherdzol maj cera o covid-19

Site inkres le departementonge rekomendaciji zapon lan intregi dosi vaccina. Tu site inkres distanso thaj pashe kontakto manushensa kaj si 70-bershenge vaj maj phure vaj kaj si le jek nasvalipe vaj kondicia kaj kerel ke si ande risika te nasvajven zurales.

Lel jek zi kaj e duj kurke pala paluni dosa vaccina zapon las jek lashi protecia. Si jek tsini chansa ke shaj les o nasvalipe vi te lan e vaccina.

Si vi jek tsini risika ke pheres o viruso majdur vi tena san nasvalo/nasvali, sar exemplo te lan les pe chire vast.

Chi zanen sode vrama e vaccina del protecia.

Telefonoski linja pe majbut chiba

Te si tut generalni pushimata pa covid-19 thaj vaccina shaj keres telefono kaj 08-123 680 00. Tu shaj les zutipe pe kadal chiba: amhariska, arabiska, bosniska, kroatiska, dari, englishiska, persiska, rusiska, serbiska, somaliska, spaniska vaj tigrinska. E telefonico linja si phuterdi luja zi kaj parashtuj 9 zi kaj 15.

1177.se/other-languages



Telefonoski linja pe majbut chiba

Majbut informacia pa vaccina karing covid-19 si po lakemedelsverket.se/en/this-is-what-applies-to-corona-vaccine (patrin pe englishisko chib)

Kontaktoski informacia kaj sastimaske centrali si po 1177.se/hitta-vard